

## Mješovita srednja škola Tešanj izabrana među deset najuspješnijih škola u BiH

U subotu 2. oktobra u Sarajevu oficijelno je pokrenut projekat "Connecting Classrooms" potpisivanjem Ugovora od strane Agencije za predškolsko, osnovno i srednje obrazovanje Bosne i Hercegovine i British Council-a iz Velike Britanije. Direktorica Agencije gosp. Alisa Ibraković je istaknula da je izabrano deset najuspješnijih škola u BiH koje će biti partner školama u Velikoj Britaniji, a saradnja će se proširiti i sa školama iz Španije i Poljske.

Kao partner u programu izabrana je i Mješovita srednja škola Tešanj, a ispred škole na svečanom pokretanju projekta prisustvovao je direktor škole Muharem Saračević, profesorica engleskog jezika Aida Halilović i Mr.sc. Faruk Unkić profesor informatike.



"Connecting Classrooms" je globalni projekat British Council-a koji uspostavlja partnerstva između škola u Velikoj Britaniji i drugih škola širom svijeta. Kroz ova partnerstva, škole uključene u projekat stvaraju međunarodnu dimenziju obrazovanja učenicima i poboljšavaju njihovo znanje i razumjevanje o drugim kulturama. Projekat priprema buduće generacije za rad i život u globalnom društvu.

"Connecting Classrooms" se trenutno implementira u šezdeset zemalja širom svijeta. U naredne tri godine, iz Bosne i Hercegovine u projekat se uključilo deset srednjih škola:

1. Srednja mješovita škola Zenica
2. Gimnazija Fra Grge Martića Mostar
3. Saobraćajna i elektro škola Doboj
4. Gimnazija Cazin Cazin
5. Prva gimnazija Zenica
6. Srednja ekonomska škola Bijeljina
7. Gimnazija Petar Kočić Novi Grad
8. Mješovita srednja škola Tešanj
9. Gimnazija Ismet Mujezinović Tuzla
10. Srednja medicinska škola sestra milosrdna Mostar

Muharem Saračević, prof.